
**Ordinaziun davart la reducziun da cas da direzza
economics en il chantun Grischun pervia dal coronavirus
(Ordinaziun chantunala davart COVID-19 cas da direzza)**

Midada dals 04-12-2020

Relaschs tangads da questa fatschenta (numers dal DG)

Nov: –

Midà: –

Aboli: –

La Regenza dal chantun Grischun,

sa basond sin l'art. 48 da la Constituziun chantunala,

concluda:

I.

Il relasch "Ordinaziun davart la reducziun da cas da direzza economics en il chantun Grischun pervia dal coronavirus (Ordinaziun chantunala davart COVID-19 cas da direzza)" (versiun dals 08-06-2020) vegn midà sco suonda:

Art. 9 (nov)

Indemnisaziun per manaschis da gastronomia per products frestgs

¹ A manaschis da gastronomia u ad interpresas cun ina purschida gastronomica po il chantun conceder – en divergenza da l'artitgel 2 alinea 1 – independentamain da l'autezza da la svieuta ina indemnisaziun en il senn da l'artitgel 3 alinea 1 litera b per products frestgs gia cumprads ch'èn daventads inutils e ch'èn ids en decadenza pervia da las mesiras chantunalas dals 2 da december 2020 per cumbatter il coronavirus. L'artitgel 5 alinea 1 ed alinea 2 na vala betg per questa indemnisaziun.

² En divergenza da l'artitgel 4 alinea 2 è l'indemnisaziun limitada a maximalmain 10 000 francs.

³ En divergenza da l'artitgel 7 alinea 1 ed alinea 2 ston vegnir inoltrads al DES fin ils 13 da december 2020 per e-mail u per posta unicamain ils suandants mussaments e documents:

- a) ina copia da la permissiun da la vischnanca per activitads gastronomicas (permissiun da gastronomia) sco er la relaziun bancara;
- b) in mussament dals custs dals products frestgs cumprads ch'èn daventads inutils e ch'èn ids en decadenza.

Art. 10 (nov)

Disposiziun transitorica

¹ Per las indemnisaziuns tenor l'artitgel 9 vegn prolungada la valaivladad da questa ordinaziun fin la fin da favrer 2021.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa revisiun parziala entra en vigur retroactivamain il 1. da december 2020.